

費邊社史序

薛子嘯成沈子耀方合譯關司氏之費邊社史，囑余校閱，并乞爲之序。披讀既畢，吾乃不得不一言費邊社之梗概以介紹於讀者。

費邊社之成立及經過，其目的及事業，本書述之備矣。茲不贅吾之所欲言者，乃費邊主義在社會主義全運動中所居之地位及其對於世界社會之影響。

社會主義之思潮與國家政策社會問題有密切關係者自馬克思始。馬克思以後社會主義又分兩派：一主革命，一主進化。關司曰：『依馬克思自己之意見，進化與革命常相聯而相繼。然二者之中，進化要不可缺，而革命則近乎贅瘤耳。惟後之馬克思信徒往往誤會其師之意，而視革命爲主體；於是馬克思信徒遂分兩派：一派信革命爲必要，一派視革命爲贅瘤』（本書十二章）。法之工團主義，德之斯巴達克斯團，主革命者也。費邊社則主進化者也。標語曰費邊，取法羅馬名將費邊氏之乘機待時；政策曰浸灌，加入現存組織潛移而默化之謂；凡此種種實所以表示其漸進

和平之旨趣。一言以蔽之，費邊主義乃社會主義進化派中之一支也。

至其對於世界社會之影響又可分事實與思想二者立論。論事實則其小冊子，論文，考查部，委員會，往往與市議會，巴力門之立法有關。故鮑干云：『邊沁主義之影響於一八三〇年以後之立法，與費邊主義之影響於一九〇六年以後之立法，其情形殆無少異也』（十二章）。

若論思想則費邊社尤有不可磨沒之價值焉。費邊社之最大功績在擺脫馬克思主義之思想專制，而確立思想自由之原則。社會主義之初入英國乃一種『偏狹執迷之見，其嚴格殆與蘇格蘭教會派別等。資本論第一卷爲彼黨之聖經。凡英國社會主義之思想行爲，其正確與否，全以此書中所載者爲標準。』關司曰：『英國社會主義之得思想自由，乃出自費邊社之所賜，毫無疑義。』關氏又引法人 斐富之言曰：『費邊社員乃社會主義各派中首先起而反對馬克思者也。蓋當一般人深信馬克思主義爲神聖不可侵犯之時，惟有費邊派首敢反對，謂人即未讀資本論，或不信書中所言，亦可稱爲社會主義者。』

關氏又曰：『德有『柏恩斯泰因者，爲俾斯麥首相處流放之罪，避居英國，與費邊社員相友善。

後回祖國，即於一八九九年刊布一書（名進化的社會主義），力攻馬克思。不久，遂有修正派社會主義之運動，謂社會主義應許人民有思想之自由。舉國少年相率入社，大戰以前隱然握社會民主黨之大權者也。故費邊社者一方解放英國之社會主義者，一方又開德國之修正派運動；其影響之及於世界，豈在德國之社會民主黨，俄國之波爾塞維克下哉？

此外尚有一事不可不一言者，即費邊主義與基爾特社會主義之關係是也。一九一四年以來，基爾特社會主義勃興，大有一日千里之勢，或謂費邊主義之優勢至此告終。然關司曰：『費邊主義決非政治思想史上最後之一幕，仍為政治進行中占優勢之原理，余敢斷言也。』基爾特社會主義不問其價值如何，必屬於下一時期。吾人之鐵道如須歸鐵道從業員組合之管理，則必先行集產主義以取得之』（十二章）。蕭伯訥則曰：『各項產業受各部之管理無論如何周密，必須集中其生產品，此點基爾特派咸承認之。故社會主義國家必須有一機關，接受此集中之物品而分配之；而此種機關代表公民，惟非生產者資格之公民，乃消費者資格之公民；果爾，則集產主義之全付機關又將引用矣』（附錄一B）。

雖然，費邊主義與基爾特主義孰占優勢，吾人可以不問。基爾特派諸健將昔日類皆費邊社社員；則其思想得諸費邊社之遺產者當亦不少，故費邊主義即使消滅，終不失為基爾特派之先導焉。況依闢司之言，『費邊主義之第一原理為自由思想。基爾特派主要人物之去費邊社也，出於自己之脫退，非受他人之斥逐；彼等企圖壓迫他人，而他人並無壓迫彼等之企圖。……費邊主義非成刻板者。費邊社社員大抵皆年少有為之士。前輩諸作家之所可說者已盡說之矣。今留待年少之人，選其所是，而增益其所必需。以此等懷疑馬克思學說不認其為全真之人，豈有對於自己則要人以全真相許乎？故吾但願費邊社存在一日，常常歡迎新思想，常常覺得無所謂最後之解決，常常記得世界本極複雜，其無窮變化終無一單獨公式可以概括之也。』由此觀之，則費邊主義之前途尙不可以預測，而費邊主義與基爾特社會主義將來之關係亦未可以懸斷焉。

他若倫敦經濟學院之設立（七章），勞働黨之組織（八章），英國社會主義團體之統一運動（十章及十二章）等，皆本書中之絕妙史料而為讀者所不可不注意者也。

一千九百二十二年四月一日金侶琴

費邊社史

目錄

第一章 費邊社會主義之淵源

八十年代初年之思想——進化論之時期——費邊思想之來源——實驗哲學——喬治·穆

勒——渥溫——馬克思——民主同盟會——基督派社會主義者——大衛孫

第二章 費邊社之基礎（一八八三—四）

一三

卜特麻與捕鬼——大衛孫與其同派——肇端諸會——新生活社——本社之成立——新生活

社之事業

第三章 費邊社之草創時代（一八八四—六）

二三

社會主義一字之採用——民主同盟會之讚許——第一論文——費邊格言——蕭伯納入社

——蕭氏第一文——工業價金會議——韋勃與屋力維哀入社——佩仁脫夫人——蕭氏第二文——保守黨選舉運動費之爭議——何謂社會主義——一八八六年之費邊會議——韋勃之初次貢獻失業勞働之政府機關

第四章 費邊政策之製定（一八八六—九）

四七

成功之原因時間之早卓越之人物——政策上之爭論——費邊社議會同盟——社會黨須知——社約之採用——著作家七人之握權——哈爾屯勳爵——演講之論文——公民生活之訓練若何——倫敦學務局中之費邊社員——倫敦人須知——城市社會主義——八時制議案

第五章 費邊文集與倫克雪演講團（一八九〇—三）

七〇

費邊文集發刊——驚人之成績——社會主義之新表示——二十五年後之批判——郝青孫——倫克雪演講團——佩仁脫夫人之脫離——費邊新聞

第六章 歸篷（一八九四—一九〇〇）

八四

本社之進行——獨立勞動黨——地方支社——大學支社——倫敦團與勃脫轡——第一次費邊社會議——論文與講演稿——一八九二年選舉宣言——紐卡塞爾綱領——公平工銀政
策——兩週評論之論文——一九〇六年之書翰

第七章 費邊主義與帝國（一九〇〇—二）

一〇二

圖書館與書箱——教區議會——工人報價條例——郝青孫之委託——倫敦經濟學院——教育演講——選舉政策——南非戰爭之辯論——費邊主義與帝國之刊行

第八章 教育（一九〇二—五）與勞働黨（一九〇〇—一五）一九

房屋問題——教育之混亂與救濟——贊助保守黨——一九〇二年及一九〇三年之教育法案——學童公有——勞工代表委員會之成立——費邊社選舉基金——一九一〇年克洛克斯之當選——費邊社之開員——瓦勒斯出版社——後起社員麥克洛克斯丹屋開夏特麥汀

市營酒業——稅則改革——生產率之減低

第九章 韋爾士活動之一幕（一九〇六—八）……………一四〇

韋氏對於行政範圍之講演——費邊之誤——考查委員會——報告及答辭——韋爾士與蕭

伯訥之事——女子參加——社約收改——新行政委員——韋爾士退出——韋氏社會主義之

事業——費邊論文之著述

第十章 擴張政策（一九〇七—一二）……………一五六

發展之統計——新社員之心理——知名之費邊社員——藝術團——青年團——婦女團——費

邊社地方支社——大學分社——倫敦團之再興——年會——暑期學校——社會主義者統一

史——地方政府通報部——常任聯合委員會——國際社會黨聯合會之參預

第十一章 少數黨報告工團主義與考查事業（一九〇九

韋勃夫人之崛起——救貧法案委員會——少數黨報告——失業問題——全國防貧委員會——『反對上議院』——蕭伯訥退職——勃朗特之死——反對國家保險條例——費邊社改革委員會——新政治家——考查部——鄉村問題——工業管理——工團主義——基爾特派——最後之統計——大戰開始

第十二章 三十年來之教訓

.....二〇一

馬克思主義之打破——一位法國批評家——德國修正派之來源——英國社會主義派——鮑干氏之結論——穆勒與馬克思——費邊派之方法——社會主義者歟社會主義歟——宣傳團體之歷史——社會主義者統一之前途——費邊理想之將來——費邊派成功之測驗

附錄

一、蕭伯訥之紀錄.....二二〇

A 費邊派經濟學之歷史

B 基爾特社會主義

二、費邊社之社約	二二〇
三、行政委員會會員九十六人之名姓及任職年代表（一八八四——一九一五）	一
四、費邊出版物全表（一八八四——一九一五）	四

索引

費邊社史

第一章 費邊社會主義之淵源

一八八二年之夏，旁觀報（時爲自由派與進步派之機關報）曰：『統不列顛而言，從未有如此時之安樂者。政府社會無階級與之爭鬭，財豐資足，絕鮮不滿足之事。』於是作者復進而以不列顛與愛爾蘭相較；蓋斯時之愛爾蘭正值橫遭壓抑之秋，巴納爾與其數百黨徒被禁於獄，暴動殺亂之事如麥屈拉司麥之役者幾無日無之。

八十年代之問題有至今尙待解決者：愛爾蘭仍爲黨爭之的，海峽隧道（Channel tunnel）譯者按大約指英吉利海峽底下隧道通英法兩國者）尙未完成。當其他問題討論略盡，則旁觀報能以神通術與心靈研究充其篇幅，彼之與今亦如出一轍焉。

亦有當時之問題視爲重大，至今幾盡遺忘者：電光之爲怪異，勃來特拉之拒贅肇爭，已不足稱矣；史蒂文生不復認爲名作者，福山德介紹婦女爲郵政局之書記亦不復驚人矣。

是年九月雲翔於空，乃暴雨欲來之先示。職工組合會議時方舉行，工人首領以簡短之討論決議要求政府，請組織審查會以解除救貧法案行政上之嚴酷。此事也，旁觀報謂爲「干涉天然境遇」之開端；蓋使貧者安樂國家之責，而在此理論與社會主義之間絕無躊躇之餘地焉。

在當時之思想更有一動力雖引起極小之注意於出版界，而一八八二年之初旁觀報有極長之論文論此奇絕之信條，蓋即實驗哲學是也。八十年代諸少年者之心被孔德之宗教所占地位之大，今人蓋極難想見矣。關於此條後當述之。

然此時定其出版物之最爲特色者，轉爲此所未載。一八八二年四月爲達爾文病歿之紀念。達爾文者以其著作之影響及於思想界論，蓋十九世紀中絕偉無朋之英人也。其歿也，旁觀報嘗印一文以評之，然於月刊中無人注意及之。達爾文真埋歿於惠斯民寺矣！在一八八二年，爲種源論出版後之二十三年，進化論仍視爲未定之假說而爲智者所不道。

在當時月刊中，問題之合與今世與不合者，常作奇異之混合。農業組織乃作永久不斷之討論。文奈夫人之法國農民主權（見一八八二年正月時事雜誌），約翰藍之德國合作農業（見一

八八二年三月時事雜誌，與泰鸞教授之農業下之分紅制（見一八八二年十月十九世紀雜誌）皆足以見聖地方法之改變乃是遲鈍不前也。

他種問題之集中於家庭者，雖在三十年前所作，仍絕類今日情狀。奇文士教授之幼孺及工廠中之已婚婦（見一八八二年正月時事雜誌）一文創議：凡小孩未滿三歲，爲母者不應入工廠。然吾等在今日對於此等問題究應取何手段，迄未有一致之意見焉。

然吾等試讀社會主義之論文，則如在別一世界，其數之多出人意料之外。國會議員史密斯作社會改革一文，載一八八三年五月之十九世紀雜誌中有曰：『吾國比較的遠離於共產主義，虛無主義，及其他類似之破壞運動。然此種境況能維持若何之永久，誰能言之？各大城市中有將潰之人生疾苦，此實爲暴動之導線。歐洲各國充滿此暴烈之物質，今吾國較歐洲各國更形貧苦，而猶以不受波及爲可恃耶？』移民政策與禁酒改革，彼以爲或可避此危險。

先一月，白奈德於該誌中作可實行之社會主義一文，主張義務圖書館與累進稅則以補助義務教育。一八八三年四月拉范來以驚人之筆作社會主義之進步一文，有曰：『社會主義之在

歐洲大陸到處都遍。彼即以愛爾蘭之土地均分運動歸之於此；又謂亨利喬治之新著進步與貧困盛行於英倫之僻街陋巷，與此亦有關係。復引畢士麥之句，「以烟草專利集費補助病廢工人。」

三十年前，政治與社會問題不甚相關。總言之，在諸領袖人物中，以政府能不與此種事相干爲妙。故貧苦之阻遏仍恃其可怖之境況，教育之着手亦屬極近之事，祇有工廠調查認爲國家之職務。培根士非爾特勳爵已死，然彼於得勢之前早忘彼社會正義之熱忱矣。斯時之格拉斯頓名高望重，然對於社會問題仍未得真興味。如今日之吾輩，薩立斯盤來爲貴冑，其思想亦一如貴冑之所爲。勃來德之視實業生活，一如輪克雪之工廠主。福斯脫爲急進黨員，又爲國民教育之創立者，然竟爲巴納爾之獄官，愛爾蘭壓迫之首領。祇有張伯倫可解社會問題之意義，不幸政治事變改變其生涯。

斯時之政黨不足以引動少年之人。彼等以新眼光觀社會組織，見種種昏暴不平之事，其判斷往往與老人異。老人以之比昔年身歷更暴亂之事，則已覺其善；而少年人以其日常學校、教堂

中所學所得之公平正義相比，則覺下矣。

在今日，頗不易回想當時新舊人物間智識間隔之大。種源論出版於一八五九年，首倡智識界之革命。此種革命，蓋自路德釘其論文於維頓堡之大教堂之門後，世界上得未曾有也。而老輩中人輒不願承認此新主義。余猶憶一皇家學會之植物學會員嘗於一八七五年謂彼對於達爾文之假說，毫無意見。至於今余所述諸少年則浸染新思潮，認為實事。斯賓塞爾為當時思想界之泰斗，以宏遠之言詞，發進化之奧義。林肯則於偉論中議格拉斯頓輩之盲從輕信。吾之先民不習斯賓塞爾與林肯之書，其所處之智識界蓋與吾輩所處者兩不相關，吾等教養上智識歸宿處既失所憑，乃視此等先輩不足為宗教科學哲學上之指導人；蓋彼等未習進化論之說也。且吾等覺凡深信創世紀中所述宇宙本源之理者，殊不能得吾輩之信任，而新發明之科學所謂社會學者吾輩惟有自行發明其真原理也。

有一人彼自認為能供吾等以答案者厥惟孔德。彼為達爾文主義之前驅，惟其哲學承認科學。約翰穆勒謹嚴著述，其所言幾盡屬定律，對彼亦稱道不置。從之者多當時學問家。人道宗教足

解吾等所對一切問題：懸擬新天堂，虛構新世界，解一切財力不均，阻一切煩惱，凡此困厄皆吾等所習見者。多少之間，此人道宗教頗有研究之價值。故當時之自由思想家多習此創始者之積極政道論等著。更常以禮拜日之晨，費之於蘭姆貢返益街之非國教之禮拜會；或以禮拜日之夕，聽霍立孫之演講於奈端廳。

當是時，他種矯揉造作之神學及宗教幾無人可以忍受。而孔德所虛擬之烏托邦亦如其他通常所擬者，既不能實行，又不能引人入勝，然其批判的與破壞的方面則真確不磨。今有一人起而非難社會之秩序，且斥爲悖謬；依其所見，則現存之社會秩序根據於習慣迷信及過時之規律上面。社會須以純粹之理性重行組織；競爭之紛擾須令其停止；人類則須承認此秩序，好意識，科學。更有加者，宗教脫離迷信則可使世界成爲一極樂國。

實驗哲學所提出達到烏托邦之方法，在使資本家之道德化。此處則見其較之耶教並無若何進步：蓋耶教一千九百年來鼓起富人之社會責任心之宣講都屬空言。舊教條既完全失敗，則新者於此亦難成功；故吾人須求其他新方法以處理此財產不均問題。

拉范來之以進步與貧困之出版爲重大，良不謬也。下其種者爲亨利喬治。然其種不下於陰暗之僻街陋巷，而下於不碌碌爲餬口計之有教育及有閒暇以研究之人心。中亨利喬治欲以政治革窮困，此蓋早年八十年代舊金山傳來之新福音。進步與貧困一書，一八七九年發行於美洲，其著者則以一八八一年之歲暮遊英倫。當時說英語之國幾不知有社會主義，惟地稅之辯護者則非如今日之頑固的個人主義派，故進步與貧困在當時政治思想上與以重大之刺激。此書欲有以矯正工人全部所受之苦痛，且認貧困爲工人階級全體所受之貧困，非不幸墮落之個人貧困；且非如慈善事業及救貧法案，僅以救濟受文化影響所苦之無賴漢爲的，此種無賴漢所受之苦，蓋純由其自己之無能，罪惡，愚魯，及彼自己或其親屬之不幸所致。故此書所擬之方法欲使財富與功能相稱，工作之報酬須歸諸作工之工人，貧與富之情者皆須絕滅，近代工業所得之財宜以公平分配於諸工作者。總言之，此偉大之革命宜以政治手段出之，以投票公決之，以精幹之法律家草議案於議院提出之。

以正當方法謀社會救濟者偉績應歸喬治。舊時之倡社會主義者則主分離之社會；倡合作